

什邡縣志卷四十六

陵墓志

漢

雍侯墓治西五里謚肅侯前朝碑碣尙存墳高二丈二尺圍六十弓墳基五畝七分墳園八畝未載糧熟田二十六畝林地一十五畝載糧考墓前西雍寺明邑令江文選建後燬 國朝署令歐陽方耀建饗祀堂廡將成而去任尋亦燬康熙五十五年居民張眷上私伐墓樹邑令丁士一定界爲文祭

■什邡縣志

卷四十六

陵墓

一

之立墓道碑於路側載東七十四弓抵河爲界西四十弓抵溝爲界南九十弓抵大路爲界北七十弓抵河界丁志 雍正七年張眷上私報入冊乾隆六年邑令史進爵泣任念侯自受封食采於茲歷高惠文景至武帝凡數世侯歷四傳爲什邡名宦之首細民不應田其墓壠因清查界畔准作肅侯佃戶每年令出豬羊備祭俟後積餘並爲建祠之計乾隆十二年三月因修 尊經閣伐取公樹燒瓦生監陳典等與雍侯佃戶張文亮等具控本府

李奉批查議知縣史進爵議詳得張文亮等訴一業兩賦一案伏查雍侯之墳地歷有案可稽且有碑記載明界至張眷上乃係昔年召募守墳之人豈容私自報墾踞爲己業但張眷上住居已久自應仍准伊在彼護守耕種不許私售他人每年如仍令伊承辦祭祀恐其簡褻不恭今令士民公議此田應納租穀二十六石旱地出息無多免其議租應請嗣後每年除責伊完納糧銀柒錢捌分外將租穀變價繳銀陸兩地方官自行備祭至附近

墳地原令伊護守張文亮侵開壹畝有零殊屬不合應請照不應重律杖八十遇熱審減一等杖七十折責二十五板以儆不法侯墓傍有張眷上葬墳壹拾壹塚離墓尙遠免其遷移嗣後不許進葬紳士陳典等具稟將挨河無碍之樹充爲公用並非捏稟朦弊應毋庸議如蒙俯允俟奉批之後錄詳勒碑以垂永久是否允協理合詳請憲臺批示遵行隨於四月二十九日奉批如詳仍勒石摹送

備案繳

墓史志每季繳銀六兩共繳銀十二兩

蠶女墓世代未詳總志載什邡德陽綿竹三縣之界在縣石亭江北岸按太平廣記古蠶叢時章洛之墟有女獨居其父遠出久不歸家畜一馬女慕父不已一日對馬戲言曰汝尋吾父歸便嫁汝馬遂疾馳去久之駝其父歸自是馬每見女咆哮撲向其父數搗之女以前言告父怒殺馬曬其皮於石上女過言曰汝畜也欲人爲婦其死應然忽風作皮遂起裹其女飛樹間一夜化爲蠶遍及鄰樹食葉繭絲俱異尋常

史志

■什邡縣志

卷四十六

陵墓

三

馬融墓通志云治西二十里漢南郡太守按後漢書馬融扶風人拜議郎以病去官年八十八延熹九年卒於家墓在興平廣輿記通志俱載入什邡查無確據又姜詩祠冢現在德陽漢州古總志載入什邡總緣古雒縣界牽連德綿漢什又曾有廣漢德陽新都等郡名故諸書事蹟多以此致誤

史志

按後漢書馬融傳扶風茂陵人嘗客涼州武都漢陽延熹九年卒於家遺令薄葬據此融未嘗客蜀既遺令薄葬卽斷無自扶風遠至什邡營

葬之事史志謂融墓在興平自有所據綿州李
雨村蜀碑記補載漢馬融墓碣在什邡縣字有
磨滅今無見天下碑錄碑錄既云今無則廣輿
記諸書所載本非確據可知今縣西二十里安
樂橋下有古冢高二丈餘圍約二畝土人呼爲
野茶墳附近居民不敢觸犯此不知何代古冢
或疑爲馬融墓恐未是

唐

孟知祥墓通志載龍居山之左細訪之無確蹟且知

■什邡縣志

卷四十六

陵墓

四

祥以蜀自據其子昶必待問罪力竭然後歸命與

錢鏐表忠觀碑事蹟大異似無庸以墓表史志

衛真人墓縣署後左史志詳見仙釋並典籍

明

黨榮墓治西五十里誌曰翁乃成都漢州什邡人也

喜讀書好談經濟隱於玉山下多士仰之若山斗

矣宏治十年冬邑人潘崧撰史志

王域墓郎官治西二十里南陽鄉正德九年碑史志

王鈞墓郎官治西域墓百步之右嘉靖庚戌年碑史志

王謠墓治西七里地名金井壩官叅政現存官地長壹百貳拾伍弓上橫四弓中橫伍拾壹弓下橫貳拾貳弓共地壹拾玖畝六分伍釐上左抵傅氏坎界中抵彭澤地界下抵尹宗理房地界墓後右西地二段共叁畝彭澤佃耕每年認租銀以供清明致祭地鄰尹宗理郭毓蘭彭浩取結看護志史

王大合墓治西十里官知府志史

王嘉賓墓治南八里明知縣譚承詔有贊刻碑左志史

李可封墓治東十二里金井壩萬歷間官鴻臚署丞

■什
■邢
■縣
■志

卷四十六

陵墓

五

墓碑猶存

李雍封墓亦在治東金井壩萬歷間官監察御史墓碑猶存

王龍泉墓治北十里掛鐘樓側萬歷間官文林郎墓碑猶存

馬良玉墓治西十五里官御史志史

李之珍墓治東十三里官御史志史

吳斗南墓治西中福田側崇禎十二年賜進士文林

郎李鑑題

楊蕢墓治西二十五里新安鄉官閭中令

戴夫人墓治西十里王大合之母

史志

尹夫人墓治南一里塚極高大碑陰挽詩極多皆糢糊不可辨惟有山陰二字顯明意必宦母未及櫬

歸葬於此者然不可考矣

史志

賈張二夫人合墓治北二里鐵五顯廟側賈係明靖錦將軍仁壽伯顧存志妻張係存志子總兵顧金印妻乾隆戊戌年

誥授通奉大夫四世孫顧汝修立石

■什
■邢
■縣
■志

卷四十六

陵墓

六

貞婦高氏墓在治東十二里李可封墓側

明末邑中諸縉紳或瑩址昭然或鐘碑可據遠者二百年近者百數十年遂志乘無徵子孫零散不可稽詰如城西三里有碑係大田知縣鑿去姓名梁家墓云曾爲廣東按察使碑盡燬滅抑又甚焉回想明末之變衣冠宿草香烟歇絕曷勝浩嘆查邑中舊族王姓爲最曹李次之王墓在正嘉時者碑不盈三尺墳址下於鄉民但刻郎官鄉官等字甚不可解意者其牽觸於當時權煬之累斥辱之

加歟不然何其斂跡之深也

史志朱音恬識

國朝

李若璋墓治西三十里巢鳳山鴨子河岸丁家灣之

側官什邡令

詳載政績

楊兆熊墓治東十里官漢川令

史志

王虎墓任叅將

史志

誥封榮祿大夫岳超龍墓男鍾璜鍾琮乾隆四年八月

立石

史志

誥封一品閔夫人墓孫岳鍾琪鍾璜鍾璿鍾珩乾隆十

■什邡縣志

卷四十六

陵墓

七

年十二月立石

史志

誥封一品楊夫人墓孫鍾璜鍾琮乾隆四年八月立石

史志

誥封一品鄭夫人墓係岳超龍元配四墓相去不數武

治西三十里地名慈姥山今改巢鳳山乾隆十年

來葬遂入籍

史志

誥授武議大夫岳仲江墓乾隆四十二年男廷柏廷標

立石

誥封

榮祿大夫岳渭人

夫婦合葬墓乾隆四十九年男

岳湘岳湜立石以上二墓俱在慈姥山

張節婦墓邑舉人楊蕃妻治東十里志史

高其哲墓治南五里官密縣令

楊元敬墓治東十里官長樂縣令

唐綵墓治北四十里官直隸完縣令

楊榮宗墓治東十里官陽武縣令

萬選墓治西一里官天長縣令

義塚附

萬人塚治東慧劍寺側適有人掘之衆稟縣捕廳

■什
■邠
■縣
■志

卷四十六

陵墓

八

看驗因題萬人塚三字旁題此係明時被難故骨
本朝漢川令楊兆熊不忍拋露掩埋成坵並非長物之

比今勒石於此見者保而護之實積功種德之一

助乾隆十二年丁卯正月日立什邠縣尉王懋華

撰志史

縣城治北義塚一段典史倪思灝築以圍牆樹碑

志史

治東義塚一段九畝七分零志史

又一里堆子壩一段五畝乾隆九年江西客民置

新繁縣舉人梅運昌題碑志史

馬脚鎮南二里義塚一段二十四畝零地名高家

山乾隆八年監生嚴子達增生唐天德庠生李其

楷街鄉約黃子奇卿秀美率衆置志史

徐家場火神祠後義塚一段志史

楊場鎮柵欄外義塚一段志史

治北三十里徐家場義塚一段二十畝乾隆五十

年仲世才施置

治北三十里尙家場義塚一段二畝嘉慶十六年

■什
■邠
■縣
■志

卷四十六

陵墓

九

尹崇柏施置

治北十二里興隆場義塚一段五畝五分一釐嘉

慶六年張璲施置

治西三十里九龍橋側義塚一段劉姓施置

興隆場義塚地十一畝零張振鵬捐買

徐家場義塚地二十二畝張振鵬捐買

治北關外義塚地十四畝零張振鵬劉中立捐買

徐家場義塚地十四畝五分周琦周玫周琨捐買

治北十里雙土地義塚地二畝五分樊景鄭方亨

廖文才張鬻儒等以公項餘貲買置

東門外一里堆子壩義塚田地三十九畝零嘉慶十六年江西會館募衆捐置

治北五十里高景關內義塚山地一段孫延嘏施置

治南十里高坡寺義塚一段唐卿氏子貢生朝憲施置

治北三十里石板灘義塚一段監生劉玉聲妻喻

氏米氏施置

■什
■郝
■縣
■志
■

卷四十六

陵墓

十